

BIBLIOTEKA  
SHTETIT

834-31  
2-58

# Petraq Zoto

**BREDHI  
I GJELBËR**  
tregime

8J4-32

ZPL

Petraq  
Zoto

ur

urur

urur

u

u

# BREDHI I GJELBËR

tregime



SHTËPIA BOTUESE  
«NAIM FRASHËRI»

## BREDHI I GJELBËR

Vitet hiqeshin zvarrë. Të përzhitura nga baruti. Robëria e gjatë regëtinte, po prapë s'donte të jepej. Agimi i lirisë ende nuk po ndriste. Dukej e zhdukej, si ai dielli i mëngjesit, kur e pengojnë ca palo re.

Korriku i vitiit 1911 shtyntë ditët e fundit.

Ishte e shtunë.

Rezet e diellit kishin arritur në gjysmën e derës së hapur të dyqanit. Brenda nuk pipëtinte njeri. Dita bënte përparrë, po njerëzit sikur s'lëviznin pazarit. Në dyqan, njëherë, akoma nuk kishte hyrë asnje.

Xha Vani Kosturi, shtruar shesh mbi njëfarë podiumi, vërtiste tespihet në dorë.

Me fesin e gjerë, ngjeshur në kokë fare drejt, me kravatën e çlirët, me mustaqet e rralluara e të pakrehura, binte në sy që ishte nga ata që nuk i kushtojnë shumë kujdes vetes. Kur e kur i lëshonte tespihet në gjunjë, mandej merrte e fërkonte shkopin e lëmuar. Ky qe një shkop i shkurtër, i rëndë, në formën e një koni të gjatë. me një kokë të rrumbullakët prej argjendi. Në ngjyrën

e zezë të shkopit bardhësia e argjendit spikaste fort. Plakut ia tërhiqnin gjithnjë shikimin tri shkronja gdhen-dur në të: SJK. Spiro Jovan Kosturi. E kishte dhuratë nga i biri. Xha Vani e mbante gjithnjë me vete. Tanimë, kur kapërcente të tetëdhjetat, shkopi i duhej shumë. Mbësh-tetëj në të dhe ulej, mbështetëj në të dhe ngrihej. Shkopi ishte i fortë dhe mund të mbështetëj pa frikë.

SJK. Spiroja asnijëherë nuk e kishte ndarë emrin e vet nga ai i xha Vanit. As xha Vani s'e linte mënjanë emrin e t'et. Vani Cico Kosturi. Ky mbiemëri Kosturi sesi i kishte mbetur familjes së tij. Se ata vetë rridhnin nga Vakëfet. Dikur baba Kristoja shkonte dendur në Kostur. Njerëzit pyetnin: «Kur do vejë Cicoja në Kos-tur?» «Erdhi Cicoja nga Kosturi?» Por xha Vanit shpesh-herë i flitnin dhe me një mbiemër tjetër: Shqiptari. Kur ndonjë i thoshte xha Jovan Shqiptari, ai drejtonte trupin e buzëgaz ia kthente:

«Më rrofsh, bir! Shqiptar qofsh dhe ti, jetë e mot!»  
I bëhej qejfi plakut dhe kishte për se.

Vatër të shqiptarizmës e kishte bërë shtëpinë prej shumë kohe. Gjithë njerëzit e tij, e shoqja, djemptë, ni-përit, vajzat e nuset me shqiptarizmën. Pa të çarë, pa një lëkundje.

«Ja arrita t'i kem tërë të mitë pas mendjes në që-llimin e shenjtë, pa le të vdes, — i thoshte së shoqes, Elenit, së cilës ia dëgjonte fjalën. — Nuk po shoh akoma gjëkafshë, thua ti? Shoh shumë. E shoh lirinë dhe më-këmbjen e kombit tënë. Është një dritë e bardhë, e bardhë. E kam ndier kaq herë, kaq vite. Ajo po vjen, paçka se ka ca pengime e prapësi. Kush e sheh, s'ka mynxyrë që të mos mundë ta kapërcejë.»

Kundërshtarët s'lanë gjë pa bërë kundër tij. Bur-gun provuan, për të e për të bijtë. Shkishërimin dhe thirrjet e ca çapaçulëve: «Katirameno, Katirameno!» Kërcënimin kundër njerëzve që do të kishin të bënин me të, që ta veçonin. Që ta rrënonin. Vdiq mbesa e tij, dhespoti nuk lejoi të varrosej sipas rregullave fetare. Më parë lipsej që xha Vani të vente në mitropoli e t'i binte ndër gjunjë dhespotit. Të ndahej nga shqiptarizma? Ç'qe

ajo fjalë! I erdhi martesa e të birit, Kristaqit. Dhespoti nuk lejoi t'i vihej kuroër në kishë. Më parë le të për-ulej xha Vani. Të hiqte dorë nga «paudhësitë». Me gjithë mend e kishte dhespoti?! Po cilat quante paudhësi ai?!

Ia vranë të birin. Spiron, atë që rëndom thoshte: «Lënë tërë gjuhët e s'lënë shaipen, që edhe gurë e drurë e ligjërojnë!» Nuk qe mjaft kjo, e hoqën burgjeve xha Vanin me të dy djemtë e tjerë.

E megjithatë, gjithnjë kokën lart Vani Kosturi!

I matur, i heshtur, i duruar. «Kur ka të përpjekur me një gië, njeriu e njeh më mirë.» Jetën e njinte. Luftën e njinte. I urtë, natyrë e butë, po atë që thoshte e bënte, e kishte të menduar mirë e mirë dhe s'e lëvizte më.

Cuditeshin disa me të: si mbahej? Cuditej ai me ta: nse, xhanëm, habiteshin? A rrëzohet lisi se i qepen ca kulpra e ferra e mundohen t'ia shpojnë trupin e t'ia thithin lëngun e jetës? Lisi ishte shaiptarizma. Ai vetë i shkrirë në të. Si shumë të tierë. Si vëllezërit Frashëri, me të cilët kishte pasur letërkëmbim. Si Isa Boletini e Bairam Curri, si Themistokliu e Mihali...

Kundërshtarët bënин të tyren, ata të vetën. «Trinia», sic e quanin treshen xha Vani. Orhan Poiani e Thimi Marko, hapën shkollën e parë shqipe. Fara u hodh, mbiu, u rrit e po përhavej. Librat shqip vinin që nga Bukureshti në adresë të tij. Ai i shpërndante dhurëtisht. Erdhi Bajo Topulli me të vëllanë. Cerczin. U krijuar komiteti i fshehtë. Dolën çetat e lirisë e po luftonin. Dhespot Foti, më i ligu armik i shqiptarizmës, e gjeti vendin. Cetat shumoheshin e luftonin. Xha Vanit i gufone zemra.

Mirëpo ja...

— Deshe gjë, usta? — pyeti si i trembur djali që dic rregullonte në një qoshe të dyqanit.

Xha Vani u përmend. Padashur kishte goditur fort dyshemenë me shkop.

— Jo, bir, jo.

E vuri shkopin mbi gjunjë dhe mori tespihet.

Dielli e kishte kapërcyer derën. Një fashë e gjerë rrrezesh binin ngultas në patoz, afër podiumit, ku qe ulur ai. Xha Vani nxori sahatin nga xhepi i xhamadanit. Mëngjesi po ecte me vrap. Lëvizi buzët, përplasi gjuhën pas qieluze. Dhe sytë nga dera.

Dikë priste. Por bënte çmos të përmblahej. Lajmi i mirë, mendoi, vjen vetë, të gjen e të gjëzon. Të ligun pse ta ndjellësh?

Donte, kështu, ta merrte me të mirë durimin.

Po ja, u duk një hije para dyqanit. Pastaj një trup zuri derën. Veshur si fshatar, një djalë me vështrimin gozhdë.

«Komit nga të Ballkamenit ky», mendoi xha Vani, ndërsa zemra ia bëri tënë.

Nuk priste të tillë lajmës.

«Fshatari» bëri drejt tij, duke parë herë plakun e herë çirakun.

— Ec na porosit dy kafe te Thanas Nopranji, — i tha djalit.

Vetëm atëherë komiti e ngjatjetoi plakun e i zgjati një pusullë.

— Kapedanji ma dha për ty. Këndoje, unë po vëzhgoj.

Xha Vani i nderi dorën dhe i zgjati kutinë e duhanit komitetit, vetë vuri një palë gjyzykë të hollë me mbajtëse metalike, njëra anë me tel të zakonshëm, vënë dosido.

I nderti xha Vani!

Na ngjau një prapësi që e prishi fare ujdinë tonë. Qëmenatë, pa vajtur edhe koha e sulmit, u hodhën përmbi ne tabore të tërë me turq. Na zunë ligsht, të papërgatitur. Dhe ashtu na u vranë Tushi Krastafillaku, Kristaq Furrxhiu e Nuçi Lapi. Zemra ma di si po ta shënoj këtë lajm të kobshëm. E marr me mend ç'hidhërim të madh po të sjell. Me zor çamë rrëthimin. Edhe ne vramë syresh, po ç'e do!

Vij e të marr dorën e të lutem të shkosh në shtëpitë e martirëve e t'ua kumtosh mandatën e hidhur.

Kjo gjëmë na ka rënduar së tepërmë. Ra mbi ne si një rrufe, nuk dimë nga e si na erdhi kaq papritur.

Tek Ura e Kadiut zumë pesë askerë e një xhander. Na kishin ngritur pusi, po ranë vetë brenda. Dridheshin nga frika, sidoqë u thamë që s'kemi gjë me askerët ne, se luftojmë hyqymetin që nuk na jep të drejtat tona e jo ca askerë të gjorë. Ua morëm dyfekët e i përcollëm tutje.

Tashti bëj zahmet e na thuaj ç'di për këtë të pabërë e, në di, na mëso ç'të bëjmë e ku të vemë.

Po, nuk e kishin gabuar parandjenat. Tjetërloj lajmi priste xha Vani. Ngriti kokën. Përbajtja e letrës i lexohej qartë në sytë e thellë të rrëmbushur, edhe në duart me damarë mavi, ku letra dridhej si gjethet nga rrëbeshi i shiut.

Fytyra e plakut u zbeh. Ai u gëlltit me zor. Tespihet i shkanë në qilim e atje mbetën.

— Me gojë a të tha tjetër gjë?

— Haber pret prej teje e f'ia përbushësh rixhanë. Hyri çiraku me dy filxhanë në zigj.

— Merre, — tha xha Vani.

Edhe vetë mori filxhanin e tij. Ngriti sytë, po nuk foli. Tjetri ndenji me filxhan në dorë, pa ditur si të bënte. Plaku vështroi çirakun pa e pasur mendjen. Ky u përkul me dorën në zemër e u têrhoq gjer te dera.

Xha Vani rrufiti kafen. Të rrufiturit u dëgjuat shumë, se heshtja qe si e përzishme. Xha Vani mendoi se po pinte kafen e djemve. Kafen e djemve? Oh, djemtë e ngratë! Ranë në lulen e moshës, në të hapur të ditës.

Mendja i shkoi vetiu tek i nipi, Kostaqi, komiti më i ri. Kostaqi bënte pjesë në çetën e Qamil Panaritit. Ç'bëhej me Qamilin? Spiro Ballkameni nuk dinte gjë. Po ta dinte, do ta kishte shënuar në letër. Të dyja çetat një plan të vetëm kishin. Në të gdhirë do të sulmonin Korçën dhe do të lironin të burgosurit politikë, ndër ta dhe Themistokli Gërmjenjin e Mihal Gramenon, të cilët i nevojiteshin së tepërmë luftës për liri, vencanërisht në ato ditë.

«Kjo e pabërë, në është rastësi, tjetër gjë. Ama po të jetë tradhti, i kanë llogaritur edhe Qamilin me shokë. Kush të ketë dalë bese?»

Ai zuri të shkonte nëpër mend njerëzit që e dinin të fshehtën.

Komiti ktheu kokën dhe qiraku iu afrua me të shpejtë t'i merrte filxhanin e zbrazur. Xha Vani u kujtua për kafen dhe e piu me ngut, me dy gllënjka. Pastaj, gjithnjë mbështetur në shkopin e vet, u ngrit me nxitim.

— Falmeshëndet kapedanit, djalë! Të presë te limeret e Malit të Thatë, i thuaj.

Komiti e përshëndeti me respekt dhe iku me të shpejtë.

Pas tij doli edhe xha Vani. Nuk e mbante vendi. Trokiste shkopin në rrugën gjithë pluhur dhe mendonte për hallin e madh. Lipsej të piqej me Orhanin a me ndonjë tjetër nga të komitetit. Pastaj t'u dërgonte lajm Themistokliut e Mihalit në burg. Më tej... ç'udhë do t'i jepnin së papriturës së prapë? Veç të mos humbisnin kohë! Të mblidheshin një sahat e më parë. Pa lipsej të shkonte në shtëpitë e martirëve të rinj. Eh, ç'barrë e rëndë!...

Dhe prapë iu kujtua i nipi.

«Hë, gjysh, të la zemra?»

Xha Vani puliti sytë. Një copë xham i thyer i kthente rrezet e nxehta të diellit përvëlues.

Me të kapërcyer pragun e portës së shtëpisë, e shoqja, që po zbriste shkallët e gurta të oborrit, i foli me shqetësim:

— Jovan, tashti sa do të dërgoja njeri të të thërriste. Të kërkojnë në hyqimet.

— Në hyqimet?!

— Se ç'ka ngjarë, nuk e di. Po gjurulldi e madhe, më thanë.

— Na kanë vrarë tre djem.

— Tre djem, thashë!

— E zeza unë, Kostaqi!

— Tre djem, thashë!

Bëri përjashta pa hyrë fare në shtëpi.

Në hyqymet e kërkonin sa herë ndodhët ndonjë gjë që kishte të bënte me punë patriotizmi. Ai e dinte, ishte mësuar me këtë praktikë të qeveritarëve turq.

«O, të shkretën, nuk arrita të bëj gjëkafshë!»

— Eleni, moj! Çalltis e u bëj zë Orhanit a Thimit, ose ndonjë tjatri nga tanët. Dërgo njeri t'u thonë ç'po ngjet.

— Shiko, pyet për Kostaqin, — e porositi ajo.

Prapë Kostaqi! Një herë e kujtoi ai, fare papritur, të dytën e shoqja.

«Për të mirë të kujtofshim, bir! Kostaq, o trim! Ua shkove gjyshit e babait ti, ua shkove xhaxhallarëve e kushërinjve! Rrëmbeve dyfekun e u bashkove me çetat e lirisë. Kjo i kapërcen tërë bëmat tonë të derisotme. Se ç'e bëre mirë! Se ç'e bëre bukur! Të kisha vërsën tënde, si ti do të bëja, jo tjetërsoj!»

Ashtu duke i folur të nipit, ekte e trokiste shkopin në rrugë dhe, i përmalluar, ia mori pa zë:

*Se mjaft në robëri,  
e mjera Shqipëri!  
O djem, rrëmbeni pushkët,  
ja vdekje, ja liri!*

U përmend kur shkopi filloj të trokiste në drurët e urës. Aty u ndal të shihte njëherë matanë. Përtej urës ishte ndërtesa e hyqymetit. Atie dalloheshin një grumbull njerëzish që venin e vinin pareshtur.

Xha Vani e mori shkopin në dorë e shpejtoi hapat.

Sapo e vunë re, njerëzit zunë të hapeshin e t'i lironin udhën. Sesi mënjanoheshin vetiu, sesi e vështronin me përgjërim, sikur s'kishin guxim t'i flitnin.

Zemra i rrahu sérish. Më fort akoma. E nderonin në Korçë, ai e dinte. Po kësisoj... Ky lloj nderimi se ç'kishte një ngjyrim dhimbjeje të thellë, një lloj nderimi krejt të veçantë.

Ai nisi t'i bënte hapat më të kujdeshëm, të mbështetet më mirë në tokë. Ekte dhe shikonte drejt. Kur

udha u hap krejt, ai prapë qëndroi e shtrëngoi shkopin në gji.

Përpara tij, plasur përdhe, gjashtë kufoma komitësh. Në mes, mu përballë, Kostaqi. Si i vënë enkas që t'i binte në sy menjëherë. I ri, i pashëm, veshur me kostumin e bandës muzikore, ku bënte pjesë përpara se të dilte komit.

Vani Kosturi ngriu.

«Mendje, mos më lër! Mos vrapo, moj zemër! Mbamëni, o këmbë!»

Komitit të vrarë i kishte mbetur syri hapur. Ai sy shikonte ngultas gjyshin. Gjysh Vani u drodh.

U ul në gjunjë e pa dhe ai. Sy ndër sy nip e gjysh. Gjysh e nip. Dhe, meqenëse nipi s'liste, s'foli as gjyshi. Afroi buzët që i dridheshin në ballin e dëshmorit të ri. I mbështeti mbi të dhe i mbajti gjatë. Fytyra e djalit nuk ishte ngurtësuar ende. Xha Vani e përkëdheli me kujdes, mengadalë, sikur nuk donte ta zgjonte a t'i lëndonte plagët. Dhe ia uli butë-butë kapakun e syrit. Në flokët e zinj e të ndritshëm të të nipit kishte rënë ca pluhur. Plaku ia shkundi.

Ashtu, duke rregulluar trupin e nipit, dora i ndeshi në gjak. Gjak i piksur në gushë.

«Bir, o Kostaq, bir!»

Lot s'lëshonte. Zë s'lëshonte. Po me vete fliste.

Nipi shtrirë përpara e gjyshi gjallë më këmbë. Në ka gjë më të dhimbshme për njeriun, nuk besoj. Nëse më hiqet nga shpirti kjo rëndësirë që më pllakosi kështu, do të jem gur e jo njeri. Bir, mos ma vër re! Kush shkon në luftë, e di që edhe mund të vritet. Po kaq i ri, kaq shpejt, kur prisnim të na gëzoje e të gëzoheshe...»

Njerëzit përreth nuk pipëtinin. Respekti për të rënët? Hija e rëndë e vdekjes? Edhe njëra, edhe tjetra, Por jo më pak figura plot dhimbje e patriotit të stërmunduar. Përpara asaj pamjeje askush nuk dinte si të ndërhynë e ç'të thoshte. Po për të ndier, ndienin shumë, gjithë të pranishmit. Kjo e bënte edhe më prekëse atë gjendje.